

觀察楮法  
行經

籍

才二

百九十  
款八

48670  
69




元祿九年丙子二月日重脩

皇圖鞏固 帝階綴昌

佛日增輝 懋輪崇轉

山城州天安寺法金剛院置





觀察諸法行經卷第二

隋天竺三藏闍那崛多譯

欲

先世勤相應品第二之一

尔時世尊復告喜王菩薩摩訶薩言喜王又  
 復菩薩應覺諸法不依應覺諸法不出不滅  
 不作不生遠離輕虛自空不牢不取不捨應  
 覺諸法無常苦無我寂靜應覺諸法空無相  
 無願應覺諸法無我無衆生無命無富伽羅  
 十二應覺諸法不合不可作無自體無相無有  
 應覺諸法離染不行離戲論不行到最勝不  
 種種十三無戲論離戲論不可取不持無任處  
 不來不去不住無字不可說十四諸法不可言





不可將來無業無報應覺諸法不分別無種  
種分別斷普分別諸想及念皆已除斷破天  
等出得度五趣度於衆生勝魔羅衆超過煩  
惱魔羅出聚魔羅斷死魔羅滿無著智攝取  
三世勝色為諸衆生所愛為智者所供養能  
於諸法見其法體得肉眼淨到天眼明到智  
眼行不動法眼具足佛眼如月顯照知諸衆  
生心行不勤合者當作覺察捨諸所取十二於  
三千大千世界中為諸天人作支帝相隨順  
得淨行地通無我際知於出界諸衆生所當  
作親尊離增上慢有於忍力超五障礙能於  
名色知其本性順覺諸佛所說言辭順覺三

十二相三於得不得心有所取皆已超過於  
世間行而得世法不染於諸衆生當爲作舍  
開涅槃門令諸衆生入無畏城與甘露味演  
說於法覺煩惱睡散衆生熱斷其所著諸見  
縛等六根不染而爲衆生說法得十六字門  
所出陀羅尼何者是彼十六種陀羅尼所謂  
阿字不生義故波字最勝義故遮字四寶義  
故那字知名色生義故隨字調伏義故沙字  
超過著義故迦字不失業報義故娑字諸法  
平等義故伽字甚深義故他字勢力義故闍  
字超過生老死義故車字斷煩惱無餘義故  
蹉字高出義故詫字住義故唵字教化邊地



彌黎車義故

梵本亦少一字

善家子此是得十六字

所出陀羅尼名得陀羅尼所出巧智解知諸  
法自空選擇諸衆生心出離諸煩惱吐諸凡  
夫所取通彼法相度流轉海善說令喜設法  
施會巧生諸字音智解知於空樂佛解脫捨  
愛不愛而無惓惓於諸外道他論如法降伏  
說師子吼得於佛智興於法施吐諸煩惱破  
怨惡義信諸佛轉法輪通達於如乃至知法  
瞋慢已離欲泥不染調御衆生除去於垢能  
以悲水洒於衆生統領徒衆順得勢力超過  
老死念千數劫揔持法藏通達寂界得空等  
智順覺盡法諸衆生等所應讚歎滿無障智

得無熱惱熏習順行摧魔羅軍蔭覆三千大千世界順念前世招涅槃地作依止趣其在家者盡皆覆護知處非處不捨先誓於諸衆生以慈徧滿知聚無生所念聞意當作正真得栴檀那戒香斷生死道順得涅槃知諸法如那字觸住喜王彼如那字已上無字彼亦無名亦不可說亦無有聲不施設名不知名說彼諸聲言辭中彼不過去不未來不現在彼諸佛不已說不今說不當說不生不出如是等相諸法菩薩當知喜王復有十六字陀羅尼所入門所謂覺字行相說勝義法度於四流說無有名色法善巧布施自守住忍不



倚六根行於六度令滅欲煩惱故而爲衆生  
說法巧知諸法差別得深無疑說處非處知  
諸衆生所行忍麁惡言捨皮肉髓知念意行  
安住法界解知那字盡入諸法喜王此是十  
六種字陀羅尼入門喜王若菩薩摩訶薩正  
覺如是十六種字陀羅尼入門如阿字無生  
義故波字最勝義故遮字度四流義故那字  
說名色義故陀字布施自守和合義故沙字  
六通智義故迦字不見業報義故娑字諸法  
平等義故伽字甚深義故他字示現勢力義  
故闍字示現生死義故义字示現忍力義故  
車字吐極惡煩惱義故娑摩字自大證覺義



故婆他字說處非處義故多字說盡邊義故  
彼則得此說名決定觀察諸法行三摩地因  
此十六種字陀羅尼菩薩摩訶薩不爲智者  
所呵棄欲瞋癡演說到彼岸道得四無畏受  
那羅延身利割欲枝得十力力值遇妙音得  
滅熱惱授聲聞獨覺記遠離左道得如來地  
如所言說如作即得高慢衆生當令解脫作  
佛事業順得聚智疑得衆生斷其疑惑以有  
和善共住安樂滿足大悲超魔羅境滿足美  
音除慢放逸而得於忍善入深定令度諸趣  
而爲說法於諸法中令得淺處爲住彼岸令  
到陸處知諸衆生所行知諸法方便行念無

數劫持諸法體寂滅諸惡清淨諸疑得空等  
智順到滅煩惱處速踐覺場天龍當讚順覺  
諸智巧滅燒熱說諸衆生自體食甘露食斷  
諸疑睡捨離隨著所有習氣以其大悲覆諸  
衆生念前宿世見於涅槃功德順覺凡夫所  
行得密大智害諸異念鳴於法螺令住佛智  
超種種相順覺出生知衆生處能使佛刹豐  
滿無彼熾然離於老病速能順覺方便密語  
斷生死道順到安隱涅槃於惡魔羅速能降  
伏於無量世界中見佛世尊離欲已而聽法  
亦不忘智如所希望攝取佛刹巧知遊戲出  
生諸三摩地喜王菩薩摩訶薩若得此說使



定觀察諸法行三摩地當知亦得薩婆若何  
以故然彼何時欲證阿耨多羅三藐三菩提  
若一生若二若三若四若五若十若二十若  
百生若干生若百千生若劫若百劫若干劫  
若百千劫乃至欲於久時彼亦久乃證覺以  
願自在於流轉中盡後際劫何以故然彼於  
諸法中自在故又佛說此陀羅尼字門品法  
本時三十二千菩薩得忍彼時此三千大千  
世界六種震動尔時世尊說此歌頌  
無錯無濁無穢雜  
應天地供作無等  
喜作離怨滅荒塵  
離非趣行到甘露  
持此方便十力行  
面如開華人天樂

應勝者德度有海  
除滅他衆善他行  
分別他行善巧意  
捨憎有取不如行  
行顯示如空中月  
人天常愛彼意者  
分別百行衆中吼  
得十二十復有二  
得失不著離二取  
甘露施主善行施  
十力大力降他力  
分別多德勝念意

持此方便十力行  
人天愛重佛他意  
此道中行十力行  
覺察人天如意使  
此有眼行智者行  
不樂有趣境無錯  
此智者行照諸方  
諸相妍妙人天奉  
彼得此行照諸方  
常與勝財世牛王  
不久得此智者行  
寂滅多苦與多樂



多人尊重善奉事  
降衆不久如牛王  
飛虛空道多百刹  
信處善巧諸世信  
振去百著作世香  
分別多德吐三垢  
善說百分天地中  
度人天住無畏城  
如行無惱行如行  
甘露財勝名聞至  
如意人天如言說  
無塵至處照十方

喜佛功德智學此  
滅百熱惱離諸熱  
行此方便照諸方  
信慙意住念無等  
持此方便百德聚  
彼有潤膩美妙言  
持此德財勝無等  
振去閻塵如言說  
持此方便十力行  
勝德無等如行得  
智者學此甘露道  
脫慢衆生直無曲

至無畏城離荒慢  
言說善合化人天  
說作作者說百行  
等意等行淨衆生  
諸法中巧常與樂  
惡魔羅力不久降  
行於此地與大財  
超過惡趣行勝趣  
讚德持德百德滿  
善巧處行不住有  
至陸住水離諸膩  
捨城及與村落地

持此方便十力行  
不喜樂欲喜樂法  
學此方便善意者  
善合善美善行說  
行此方便喜甘露  
振去荒垢散三垢  
持此方便十力行  
象馬獸主戲行者  
不久得此智者行  
熱力亦現波勝力  
若學此行十力行  
捨愛不愛不樂境



及捨勝樹捨怨衆  
憶念過去多百劫  
及念已先所聞法  
法炬熾然常令有  
及持十力所行者  
住舍摩他有慈意  
淨戒甜美愛語音  
喻如犀行無我所  
離八不閑隨處住  
於念覺知自性行  
示現最勝堪忍力  
應得諸世所讚歎

智者學此波進力  
念諸世中生及死  
持此寂靜勝定意  
喜法彼施於財法  
持此寂靜勝定意  
寂靜止意寂靜根  
當有持此三摩地  
得到閑方與閑道  
持此寂靜勝定意  
亦當善巧知盡法  
於此中學勝義行  
多百數天當讚彼

作處作者作寂靜  
鳥飛足跡當順行  
魔羅不行彼方便  
說決定覺善逝行  
得彼世中常供奉  
所應斷者於此淨  
彼作蔭覆遍諸方  
念他所行及自所  
無慢行體勝者行  
有施捨已調伏意  
施與無畏說無畏  
於諸世中當作親

於此智海親近住  
於諸煩惱得寂滅  
此寂難見勤相應  
拔斷有愛作無有  
持此寂靜勝定意  
斷煩惱已照三有  
若持此勝三摩地  
念已為說如順行  
持此寂靜勝定意  
善逝所趣速能行  
此勝上定則便得  
錯誤已勝復令解



共集言議有善巧  
身等金剛全一合  
純白淨照無有垢  
是處而住處所應  
於處非處有善巧  
無著辯說佛功德  
彼無疑惑不正意  
於彼甘露速能信  
得到果已護他世  
解知於聚常自空  
諸行行到三有中  
當得捨離於老病

若人修此三摩地  
速能破散魔羅軍  
持此寂靜勝定意  
於處不住上意得  
若此定意人能持  
出生俱致多覺解  
此勝寂定有能持  
亦常信於與樂者  
此勝寂定有能持  
彼無錯誤無迷惑  
若人持此三摩地  
不被他降巧爲直

其心相續喜持戒  
割斷生樹是聖道  
彌黎車地彼不多  
不自讚揚巧妙語  
端正顯現衆中入  
眷屬衆具家姓名  
彼所有辯如水王  
法自性相無我行  
速作三千勇健主  
乃至三千世界林  
於彼勝上得智門  
毒刃及火不行入

若此定意人能持  
涅槃寂靜速能觸  
若人持此三摩地  
功德名稱上普德  
如昴宿月月淨空  
善逝親眷彼時得  
謂當持此三摩地  
於諸世中順覺已  
此經希有平等行  
人姓三種衆生行  
此勤相應觸甘露  
不畏枷縛諸逼惱



夜叉羅刹不生害  
財無所失財不離  
不盲不瞎亦不瘖  
六十三億二足上  
彼所若與揔持藏  
若於菩提欲疾觸  
應合此勝經典行  
彼故聞已善喜樂  
彼勤相應若四日  
八十俱致二足上  
普念與此相應者  
若聞於此善得利

若淨信心此相應  
無病無憂無業執  
如有持此四句  
普念於此相應者  
此寂難見已相應  
最安隱德若欲取  
諸所希望則滿足  
若人於中求菩提  
彼當得此勝寂定  
餘勝六十那由多  
轉誦作此三摩地  
聞已若有作信解

佛功德中彼無惑  
彼故聞已此實行  
諸福決定到手中  
我念於先百數劫  
彼說此勝三摩地  
疾捨王位而出家  
於後分中死時到  
如恒伽沙復多彼  
諸處聞此三摩地  
名曰寶焰最勝者  
如是大利由聞此  
我今欲作告汝等

如到菩提如是持  
莫得懶惰喜無德  
若持此經若書寫  
有最勝者名辯幢  
王子月妙聞彼已  
彼聞一夜及一日  
至餘刹土而復生  
見已復見無邊勝  
於三劫中證勝覺  
勝者然燈為說記  
彼故聞已莫懶惰  
天人所有美妙音



我於此中開寶藏

十力財物汝當取

又喜王先過去世不可數劫過不可數廣遠  
無量不可思不可量於彼時節有名辯才瓔  
珞莊嚴雲鳴出吼顯音如來應正遍知出世  
明行具足善逝世間解無上士調御丈夫天  
人教師佛婆伽婆其佛刹土名無邊寶功德  
莊嚴世界名無垢劫名愛見又喜王彼辯才  
瓔珞莊嚴雲鳴出吼顯音如來應正遍知有  
無量聲聞有七十二俱致菩薩摩訶薩普皆  
得忍到灌頂地又喜王於彼菩薩衆中有菩  
薩說法者名無邊功德辯幢遊戲鳴音彼有  
過量念行慙辯於陁羅尼中遊步盡至得五

通智彼白彼佛令其觀已爲四部衆廣說此說  
決定觀察諸法行三摩地又喜王於彼時節  
有王子名福報清淨多人所愛鳴聲自在而  
彼妙形端正可觀最勝淨色成滿具足於無  
上正覺中久已發行喜王福報清淨多人所  
愛鳴聲自在王子聞有無邊功德辯幢遊戲  
鳴音菩薩說法者說此名決定觀察諸法行  
三摩地若入村城聚邑王都中說時彼王子  
於彼說法者邊聞此三摩地聞已歡喜踊躍  
愛悅滿意善意更生詣向彼說法者菩薩摩  
訶薩所到已頂禮彼說法者足尊重受教合  
掌而住於此三摩地中復過量喜欲聞此三



摩地彼說法者復知彼過量淨信已彼時廣  
說此三摩地喜王如是彼王子於彼說法者  
邊聞此三摩地已又復過量歡喜踊躍愛悅  
滿意善意更生隨所著衣而以奉覆說如是  
言令諸衆生得此三摩地寶如此說法者菩  
薩摩訶薩彼以於彼說法者所捨施善根於  
現法中承事八十恒伽河沙等諸佛世尊於  
彼諸佛世尊邊聞此三摩地彼諸佛世尊所  
皆作最勝供養於彼諸佛世尊教法中出家  
攝受正法諸所不聞百千俱致修多羅而能  
辯說生念常滿受變化生得五通智得陁羅  
尼無著辯才彼順次第行諸助菩提法滿已

於無邊功德寶莊嚴佛刹中證覺阿耨多羅  
三藐三菩提壽量無量聲聞衆無量菩薩衆  
無量光明無量願功德莊嚴無量又喜王彼  
時節中有名無邊功德辯幢遊戲鳴音說法  
者汝意莫作異見何以故喜王彼大眼如來  
是也不動如來爲記菩提又彼王子名福報  
清淨多人所愛鳴聲自在者彼無量壽如來  
即是彼時王子也又喜王彼王子聞此三摩  
地已七十千劫業障皆悉滅盡即得分別諸  
法句品出無邊門名陀羅尼及不遠離三摩  
地乃至菩提場喜王彼因緣故如是當知此  
三摩地於諸菩薩摩訶薩所如是多作淨諸



業障轉莊嚴淨刹功德轉速滿佛法轉又喜  
王先過去世不可數劫過不可數廣遠無量  
不可思不可量於彼時節有名淨面無垢月  
妙威藏如來應正徧知出世明行具足善逝  
世間解無上調御丈夫天人教師佛婆伽婆  
又喜王彼淨面無垢月妙威藏如來應正徧  
知所有佛刹功德莊嚴我今不可一劫廣說  
乃有如是無量功德莊嚴聚集佛刹清淨菩  
薩摩訶薩衆於佛法中皆悉決定喜王於彼  
時節有長者子名曰顯妙廣身彼詣淨面無  
垢月妙威藏如來所到已頂禮彼世尊足即  
以無量摩尼寶珠瓔珞百千間錯奉覆彼佛

在前而住以欲法故後如來知彼淨信已於  
此三摩地初中後善說喜王如是彼長者子  
於彼佛邊聞此三摩地已歡喜踊躍愛悅滿  
意善意更生得大法力得法力已不用求天  
人中彼七十千婦女捨已普一踰闍那四大  
藏無邊寶滿捨已八百園林捨已諸所受用  
衆具捨已於彼世尊教中剃除鬚髮著袈裟  
衣以信出家非家而行又喜王彼長者子光  
在家時地不敷衣不曾足蹈既行出家已十  
千歲中仍不敷衣足不蹈地中不坐不卧惟  
除食受用時十千歲中睡眠不久乃至於彈  
指頃亦不曾分別欲分別瞋分別害十千歲



中異心不生惟於徧智相應發行精進得諸  
辭聲攝諸佛語名陀羅尼成就普音入門名  
陀羅尼彼如是熾然精進具足乃有六十那  
由多天於彼菩薩所勤行給侍起作相應令  
其身心安樂精進堪能彼如是行出家已熾  
然精進聞此三摩地故九十九俱致百千劫  
流轉皆悉背捨現在值遇七十千佛於諸處  
中行出家已此三摩地持讀思惟爲他廣說  
彼發行精進故不放逸行故成就此三摩地  
於八劫中證覺阿耨多羅三藐三菩提逮得  
如是佛刹功德莊嚴相住如彼世尊淨而無  
垢月妙威嚴如來所有刹土我今見彼於南

方分中四十四百千佛刹過已名大莊嚴世  
界彼中作佛有名善意喜樂如來說法無量  
菩薩摩訶薩衆集數不可盡喜王彼諸菩薩  
摩訶薩若欲速於諸法隨順得自在者此三  
摩地當聞當持當說當念今時世尊復欲過  
量讚說此三摩地功德令高出故即說歌頌  
我念先世無邊劫  
時有智者世間導  
彼勝教中有比丘  
此寂靜定彼說已  
即以白衣而奉覆  
復見無邊諸導師

猶如恒伽沙無量  
辯才鳴聲諸方聞  
持法智人說法者  
王子已於彼邊聞  
迴向最勝菩提道  
得道彼号無量命



彼先所有慧作業

皆盡無餘無報果

聞此大妙三摩地

有辯才者具功德

彼於後時中

若有欲求道

應當聞此定

諸惡自當除

又佛無垢月

說此三摩地

長者子聞已

即取行出家

彼於十千年

思惟三摩地

足不蹈無衣

亦不入眠寢

此得勝菩提

惟有共聽故

不愛於家中

亦無欲財物

彼至諸佛刹

於彼皆已問

諸行所入門

順覺已不久

其心彼先滿

亦滿彼意車

彼速得菩提

此何不勤作

後時當來世

多有求菩提

無資財無樂

不欲行出家

瞋罵而吐責

毀辱說惡語

各各共聞已  
忍受為欲故  
夢中見佛已  
菩提我不疑  
而蘇息自心  
若所聞此已  
有此出家已  
各各而生起  
於他有欺心  
衆生而供養  
彼菩提大遠  
大遠最勝者

而言當作佛  
為愛欲作奴  
彼暫得蘓息  
此經彼聞已  
不久當作佛  
彼無有所著  
多有求菩提  
彼貧窮少福  
我到菩提岸  
以此少等喜  
若嫉妬諂曲  
聞此經典已

千數非一苦  
而言當作佛  
於他常欺慢  
言聲不會義  
彼等聞此實  
亦如空中風  
為知識故瞋  
限聞即喜樂  
見光得界已  
知當到菩提  
我到智數數  
當知得菩提



見無量壽刹  
依止有得見  
及此長者子  
後著乞食家  
若聞好當作  
繫縛知識利  
聞中非決淨  
彼故莫放逸  
彼爲知識故  
及當與稱善  
泣淚灑作已  
而說其惡行

作佛當不久  
心若不相應  
財聚已捨離  
如此三摩地  
不復渴愛生  
海中取麻櫛  
無戒非出家  
後時若有處  
復行不讚說  
如是以衣散  
奉施於自身  
不愛阿遮梨

大遠彼菩提  
我當不記彼  
於後出家已  
於先然燈所  
彼剃髮出家  
而捨於珍寶  
修行菩提道  
說時當聽聞  
在前當禮拜  
復行不讚說  
彼復在衆中  
不重近誦者

爲少而相破  
自德不思惟  
華香及末香  
當言得菩提  
當捨知識利  
諸聚我已捨  
愛命捨離已  
當盡於命世  
決莫共彼輩  
在衆中當言  
不於境界所  
彼菩提大遠

以家相嫉惡  
當生猛毒惡  
幢蓋幡鬘等  
此我實供養  
修行則相應  
應供養法身  
常宿阿蘭拏  
喜王我告汝  
諂曲作伴黨  
此實此不實  
有欲佛菩提  
我所有神通

惟信他福德  
知他富供養  
鼓樂供養我  
聞此勝定已  
何供養色身  
亦如善實供  
念此修多羅  
修行此已聞  
於中我不讚  
於中莫欲信  
所有破諸行  
此見大體力



諸此有禁戒  
修行我得已  
愛戒作分者

衆中似野獸  
已捨知識利  
獨宿阿蘭拏

我無有是處  
我不說無實  
久後末世時

此經付汝手  
無量壽放光  
及不動法王

六十 怛佛  
衆會皆已見  
教師皆付彼

久後令護法  
如此經智印  
我普持在後

三千即震動  
諸天稱善言  
多有華雨落

聞此付囑故

觀察諸法行經卷第二  
欲

蹉七何詫丑嫁啖茶音踐音賤潤下左膩二反甜徒

反犀音西一也昂宿上音瞎許捌踰闍反上羊朱

一那  
那  
此云  
方由  
四十  
里一  
叱責  
反上  
呵昌  
也吉  
眠寢  
錦下  
反七

